

## **Laudatio per Flurin Bott alias S-chuoziener**

- L'istorgia es divertenta ed originala. S-chuoz – il cumün fusiunà dvainta il center da la Rumantschia e puter l'unica lingua ufficiala. E la Lia Rumantscha ha reintrodüt darcheu il signet culla clav cul R.
- L'autur es capabel da mantgnair üna tscherta tensiun dal cumanzamaint fin a la fin.
- Il text es divertent in lingua e cuntgnü ed ha üna structura ponderada.
- La lingua es buna. L'autur douvra expressiuns sco „chüzza scu ün pluogl“ o verbs sco „ir a giperi“.
- L'autur giova cun elemaints chi sorprendan, p.ex. il muond futuristic culs power sticks, o l'idea cha mincha abitant i'l pajais saja oblià dad imprendder rumantsch .
- I dà bels detagls aint il text, sco „Per da quels cul chül indoro e la buorsa cun marenghins es que modern ed en vogue da fer vacanzas a S-chuoz e da frequenter ün cuors da la lingua rumantscha“.
- L'autur quinta our da la perspectiva d'ün S-chuoziener e creescha uschea üna tscherta intimità.
- La fin surprena da maniera subtila– il raquintader es il donatur e salvader dal rumantsch. Quai dvainta cler pür cun descriver il monumaint immez la piazza cumünala.

Fadrina Hofmann, giurora Pledpierla 2019